



Istraga protiv osumnjičenih za organizovani kriminal ZA SKORO TRI GODINE ZARADILI VIŠE OD MILION I PO MARAKA

**Svjedoci se saslušavaju, a tužilačka odluka
će biti donesena kada se provedu sve**

istražne radnje, pojašnjavaju u Tužilaštvu BiH

Tužilaštvo BiH već tri mjeseca provodi istragu u predmetu protiv Vehbije Salčinovića, Elvisa Salčinovića i drugih jer su osnovali grupu u kojoj su bili Denis Hamidović, zvani Bebica, Serdo Salčinović (ranije Šefko Hamidović), Toni Hamidović, zvani Ramica, Luka Hrustić, Kenan Frndić, Davor Zorić (ranije Davor Hamidović), zvani Fehid, Mahir Alihodžić, Brajan Hrustić (ranije Fajko Hamidović), zvani Bajrica, Golub Osmanović, Samson Seidović, Safet Hrustić, zvani Slobo, Nedeljko Dakić, Božidar Tršić, Bahira Husarić, Suvida Sejdić, Lizabeta Fazlović, Dženita Frndić. Salčinović i ostali tere se za organizovani kriminal, trgovinu ljudima, nasilničko ponašanje, posjedovanje oružja i falsifikovanje isprava, odnosno da su u BiH i nekoliko evropskih zemalja organizovali grupe džeparoša koje su pljačkale turiste.

Saslušanja

Na teret im se stavlja da su vrbovali žene i njihovu djecu radi džepnih krađa. Te osobe su, kako im

se stavlja na teret, dovodili u podređeni položaj konstantno koristeći silu i psihološki pritisak kao što je zabrana kontakta sa njihovom djecom koja su bila na čuvanju kod drugih osoba, ukoliko ne bi bili zadovoljni količinom novca koji bi dobili. Kako navode u Tužilaštvu BiH, istraga intenzivno traje.

- Svjedoci se saslušavaju, a tužilačka odluka će biti donesena kada se provedu sve istražne radnje, pojašnjavaju u ovoj instituciji.

Podsjetimo, Salčinović i ostali uhapšeni su krajem juna ove godine u akciji nazvanoj CD. Tada je u akciji SIPA i francuske policije privedeno 15 osoba (u BiH sedam, a u Francuskoj osam). U BiH su pretreseni objekti i vozila na devet lokacija u Zenici, Vlasenici, Prijedoru i Jajcu.

Elvis Salčinović, Denis Hamidović, Toni Hamidović i Luka Hrustić se terete za krivično djelo organizirani kriminal u vezi sa krivičnim djelima: trgovina ljudima, krijumčarenje osoba, pranje novca, nasilničko ponašanje, nedozvoljeno držanje oružja ili eksplozivnih materija, krivotvorenje isprava i fal-

Page: 8

Reach: 0

Country: BOSNIA AND HERZEGOVINA

Size: 604 cm2

2 / 3

sifikovanje ili uništavanje službenih isprava. Elvisu Salčinoviću i njegovom sinu Toniju Hamidoviću su ranije određene mjere zabrane napuštanja mjesta boravišta, putovanja, sastajanja ili komuniciranja sa suosumnjicima i svjedocima u ovom predmetu, odnosno osobama koje mogu imati neposredna saznanja o krivičnim djelima, te naložio obavezno javljanje nadležnim policijskim stanicama.

Ovoj se grupi na teret stavlja još i to da su koristeći se običajnim pravom Roma (gdje je običaj da je žena u podređenom položaju naspram muškarca) stupali u bra-



Salčinović i ostali uhapšeni u junu ove godine

čne i vanbračne odnose sa ženama koje su slali u Francusku, gdje su ih tjerali da džepare u metroima, muzejima i na Eiffelovom tornju.

Kašika, viljuška...

Žrtve su organizovane u "ćelije" od po tri osobe koje su kontrolisali drugi članovi kako ne bi za sebe zadržale dio ukradenog novca. Osumnjičeni su žrtve savjetovali šta da govore i kako da se ponašaju ako ih uhvati policija, pa su tako, kad bi pale policiji u ruke, žrtve govorile sa se zovu kašika, viljuška, štikla, šnala...

RASKOŠAN ŽIVOT Primljeni novac osumnjičeni su trošili na raskošan život, drogu, skupocjena vozila, kockanje...

Ukradeni novac žene su putem Western Uniona slale poznanicima



Sa privođenja osumnjičenih u akciji CD

osumnjičenih (policija je otkrila da su novac dobile najmanje 73 osobe), koji su potom pare predavali osumnjičenim i za tu uslugu dobijali određeni procent. Primljeni novac osumnjičeni su trošili na raskošan život, drogu, skupocjena vozila, kockanje... Vozila su registrovali na druge osobe od kojih neki nisu imali položen vozački ispit.

Iskorištavanje

Na ovaj način osumnjičeni su od početka 2012. do juna 2015. zadržali više od milion i po maraka, tvrde u Tužilaštvu. Elvis Salčinović se tereti da je iskorištavao suprugu Sabahetu Hamidović. Od Ramiza i Fadile Hamidović je dobio njihovu kćerku Lauru koju je poslao u Francusku da džepari skupa sa Šarlot Hadžović i Sabahetom Hamidović. Tako je Sabaheta preko Western Uniona Elvisu prebacila 81.685 eura. Denis Hamidović je tjerao nevjenčanu ženu Šarlot Hadžović da krađe kako bi on imao novca za kupovinu novog automobila.

Dio osumnjičenih nalazi se u pritvoru, dok se dio njih nalazi pod mjerama zabrane. **A. B. Č.**

Lažni dokumenti

Osumnjičeni su posredstvom Nedjeljka Dakića i Božidara Trišića, službenika u opštinama Prijedor i Vlasenica, nabavljali lažne dokumente za sebe i žrtve, tako što su žrtvama izdavani dokumenti da su maloljetne, iako to nisu bile. Primjerice, Denisova nevjenčana supruga Šarlot Hadžović imala je dokumente da joj je 14 godina, ili su im izdavani dokumenti davno preminulih osoba, ili onih koji ih odavno nisu vadili. Potom je Velid Hamidićević, savjetnik konzularnog predstavništva BiH u Parizu, na osnovu tih dokumenata nelegalno izdavao pasoše. Kad bi ih uhvatila policija, oni bi nakon puštanja dolazili u BiH po nove dokumente i vraćali se u Francusku, Belgiju, Španiju, Italiju i Hrvatsku, dok su djeca žrtava ostajala u BiH.

Page: 8

Reach: 0

Country: BOSNIA AND HERZEGOVINA

Size: 604 cm2

3 / 3

